



UNIVERSITÄTS-
BIBLIOTHEK
PADERBORN

Universitätsbibliothek Paderborn

Synopsis Magnalium Divi Josephi

Ignatius <a Sancto Francisco>

Leodii, 1684

Sect. 3. Patrocinium D. Josephi contra morbos, seu infirmitates spirituales
& tentationes.

urn:nbn:de:hbz:466:1-38500

libello Gallico, cui titulus: *La Gloire de Saint Joseph* ch. 7. confid. 7. de quodam sene Divo Josepho in paucis devoto. Hic ferè per biennium integrum acutissimos calculi dolores perpeffus, cum ex his finem suum instare pensitasset, Confessarium suum acciri voluit: cui animum suum aperiens; Pater, inquit, jam pridem in diem Festum Sancti Josephi mentis oculos conjeci, & per ejus intercessionem (in quâ omninò confido) à Deo peto, utinam exorem, ut vel isto die moriar, vel convalescam, nisi tamen ei aliud placeat: ac quidem si eo die moriturus sum, ut possim in eo pro ultimâ vice Sacro Corporis Domini N. J. E. S. U. Christi pabulo recreari, atque tam opportunè mori, ut possint adhuc isto die aliquot Missæ pro animæ meæ refrigerio celebrari. Nulla erat apparentia hoc humanitus posse contingere, quia ipsius dolores ita de die in diem ingravescebant, ut omninò desperaretur ipsum posse adhuc vivere totos novem dies qui restabant ante diem Festum Sancti Josephi. Contigit nihilominus præter omnium spem medicorum, ut optavit senex, vixitque totos illos dies: Quare pridie festi illius omnibus domesticis convocatis, eis benedixit, ipso verò die, secundâ post mediam noctem, Sacrosanctis Ecclesiæ Sacramentis pientissimè petitis & receptis, sibi semper eoulque præsentissimus, in agoniâ incidit mediâ horæ quadrantis spatio, postquam expiravit tam placidè, ut omnium circumstantium opinione mors ipsius somnus videretur, & imago illius requiei cujus possessionem in Cœlo si necdum ceperat saltem brevi capturus erat, cum tot fuerint inventi Sacerdotes, quot fuere desiderati, qui pro eo ipsomet die celebrarunt: sicque pientissimi desideria viri ex benignâ Divi Josephi dispositione fuere ad amissimâ completa.

XXV. Aliud refert Doctor Matthias Navus & librorum Censor Duacenus lib. cui titulus: *Sponsus Virginis Orat. seu tit. s. sub finem*. Sub his ipsissimis, verbis. Certè recens est inter cætera, quod Vir Nobilis de Henin, Dominus de Miny Audomaropoli sub initium, Maii anni 1629. moribundus aperuit

Patri Capucino aliisque ei assistentibus, conspectos sibi in morbi gravitate fuisse Beatam Virginem & Divum Josephum cum Sancto Francisco, quibus dudum devotus fuerat: atque ex Sancto Francisco diem horamque mortis suæ ad tres dies sibi cum salutis indicio prænotuisse, eamque Coelestem dici & horæ mortis ejus præmonitionem ita comprobatam à se fuisse dictus Pater & alii testati sunt, cujus etiam testimonii certam copiam ipse excepi: ubi quidem eam præmonitionem ex adnuto Beatissimæ Virginis & Sponsi ejus factam fuisse res ipsa indicare videtur; sicut & superiores Angelis, etiamsi comparantes, per Angelos inferiores quædam revelare solent, ut in Danielis Prophetiâ videri potest.

Huc quoque pertinet quod de Venerabili Sorore Yolantâ de Sylvâ Ordinis Sancti Dominici Moniali Religiosissimâ narrant ejusdem Annales Ordinis. Hæc cum Divo Josepho totâ vitâ suâ devotissima fuisset, ei in extremo morbo adfuit, visibiliter ei apparens, nec deserens usque ad mortem. Hucque etiam revocari posset quod de mercatore Hispano Valentino ex S. Vincentio Ferrerio retulimus supra hæc 3. Part. Tract. 2. c. 7. sect. 4. n. 40. Sunt & alia hujus generis infinita, sed hæc mihi sufficere videntur.

SECTIO III.

Patrocinium Divi Josephi contra morbos seu infirmitates spirituales & tentationes.

INitio capitis diximus peccata venialia, habitus malos, infranatas passiones, esse infirmitates, seu morbos animæ spirituales: quia ut morbus stat cum vitâ, ita stant illa cum gratiâ: Periculosa sunt tamen: quia ut morbi corporales, qui ex se sunt curabiles, si negligantur, fiunt per sepe mortales, ita & morbi illi seu infirmitates spirituales, si negligantur, sæpè in fine trahunt animâ in interitum. Qui enim spernit

Dddd

modica

modica paulatim decideret. Ecclesiastici cap. 19. vers. 1. Patrocinium ergo Divi Josephi in his favor est duobus præcedentibus proximus.

XXVIII. Duobus ex capitibus vehementer difficile est, ne dicam impossibile, exemplum hujus oportuni subsidii ad mitigandam peccatorum venialium pruriginem, ad vincendos pravos habitus, edomandas animi perturbationes, & passionum insolentiam refranandam, à Sanctissimæ Virginis Sponso eum invocantibus præstiti colligere: tum quia sunt plurimi & maximè varii favores istiusmodi: tum quia ab illis qui eos percipere meruerunt ex humilitate servantur occulti.

XXIX. Pauca igitur (verba do Patris Barri citati cap. 11.) ex multis proferam ab iis cognita qui meâ in Spiritu directione usi, fecerunt ut ipsorum fide & experienciâ scirem, vix ullum esse præsidium efficacius ad nobilem aliquam de se ipso victoriam referendam, quam Sancti Josephi Patrocinium, cui nunc Deus omnia concedere videtur: crescitque experientium numerus, dum alter alteri spirituales suas necessitates subinde revelans, simul intelligit quid suis, quos consulit amicis, hoc in genere evenierit.

XXX. Prosequens igitur loco citato dictus P. Barri: Novi, inquit, ego quibus impossibile videbatur refranare linguam ut à mordacibus disteriis, à contentionibus, aut cavillis, abstinerent: Novi quos concepta à personis quibusdam alienatio ita exasperaverat, ut nec earum præsentiam, nec affatum æquis oculis vel auribus, aut sustinere, aut admittere possent: Novi alios quos inordinati amoris affectus necessariâ ad officii & orationis exercitium mentis attentione privabat, non absque excessibus animæ corporique periculosi & perniciosi, quibus omnibus remedio fuit Sanctum Josephum in vota advocasse.

XXXI. Fuit cui triennio integro impura isthæc flamma intra cordis penetralia succensa, restingui nequiverit ulla devotione: sed cum dierum novem silentium sibi indixisset in honorem Sancti Josephi, & memoriam silentii quod totâ vitâ suâ coluit (non enim

vel verbum ab eo prolatum legimus nisi Sanctissimum nomē Jesu Christi in Circumcisione, in maximis tamen loquendi occasionibus: eâ mortificatione vix exactâ se liberatam sensit: quapropter gratitudinis ergo Litanias ejusdem quotidie recitare proposuit.

Alio eodem affectu agitata, jam XXII. penè nec somnum capiebat oculis, nec spem habebat reliquam perseverandi in suscepto Religionis habitu, quod vehementer illam angebat: tantopere afflictâ suam ut novemdiem ad Sanctum Josephum devotionem institueret, ad quam alia quoque Moniales se socias offerebant, instituit; & eâ finitâ & corpore & animo rectius habere cœpit, & libera omninò ab istiusmodi tentatione exitit. Hæc omnia ex P. Barri libello Gallico citato cap. 11.

His adjicio quod de Sanctâ ac Seraphicâ Matre nostrâ Theresiâ legimus apud P. Ribera lib. 1. Vitæ ejus cap. 33. Huic Sanctissimæ Matri die Assumptionis Gloriosissimæ Virginis peccata vitæ ante actâ serius recogitanti, objectum est cœlestis visum, illudque gratissimum: Itaque in extasim raptâ videbatur ei se veste seu tunica candidissimâ & mirabiliter lucenti vestiri. In principio visionis non videbat eos à quibus hæc veste tegebatur, sed deinceps cognovit hoc sibi factum à Beatissimâ Deiparâ & Sanctissimo Josepho, & intellexit hoc sibi contigisse in signum liberationis suæ ab istis peccatis, & puritatis animæ sibi concessæ, idque per merita Sancti Josephi, cum tunc manus ejus apprehenderit Beata Virgo, eique testata sit gratissimam sibi esse ejus erga Sponsum suum devotionem, & lummoperè placere zelum quo ejus cultum inter homines promovere satagebat. Ex quo intelligimus quomodò Divus Josephus à suis Clientibus morbos animæ spirituales depellat, & in animabus à peccando purificandis sollicitus sit.

In tentationibus non segnius opitulatur Divus Josephus, maximè verò castitati periclitanti: Patet hoc in exemplis allatis hic num. 31. & 32. & tribus quæ hic adjicio. Primò namque puellæ cuidam honestæ, cui Magorum carminibus

carminibus adaſti dæmones importunius inſtabant, quies eſt reddita ſtatim ut ipſa ſe Sancto Joſepho commendans magnâ cum fiducia ex eâ chartâ quæ ſacram Laudunenſem unctiõnem (de quâ infrâ cap. 8.) attigerat ſumpſit aliquid. Ita Pater Barri libello citato cap. 13.

XXXV. Alteri ſimiliter quæ ſimilibus tentationibus valdè obnoxia, vovit per novem dies ipſius geſtare imaginem, & mox ab iis liberata, opem D. Joſephi in illis, ut præſentiſſimam, ita præſtan- tiſſimam experta, teſtata eſt eidem auctori ibidem.

XXXVI. Tertium refert R. P. Maximilianus Lenglez, PP. Ord. Min. Recollectorum, Provinciæ Flandriæ Provincialis in libro Gallicè conſcripto, cui titulus: *L'École de Marie, Alphabet 2. lettre D. §. 4.* quod anno 1618. contigit Virgini honeſtiſſimæ Ditionis & Diocæſis noſtræ Leodienſis inter Moſam & Sambrin, hæc cum inter agens inter avia occuſiſſet nebuloni cuidam perulanti, paſſura erat haud dubiè vim, quam hic propudioſus flammis cupidinis incenſus voluntati ſuæ conſentire abnuenti, & pro poſſe reſiſtenti, inferre parabat: Sed adfuit illi in his anguſtiis Divus Joſephus ab eâ ex intimis invocatus. Ille enim violentus derepentè voce puellæ Divum Joſephum inſclamante, quaſi fulmine percuſus, omnibus viribus exhaustus obrigit, ita ut amplius ſe movere non potuerit: ſicque illa innocens columba ope Divi Joſephi intacta, ex unguibus iſtius profani accipitris evaſit, non ſine illius ſtupore & hujus conſuſione.

XXXVII. Neque hoc his temporibus, quando ejus merita tam magnificè à Deo extolli videmus, tam mirum; cum & de quâdam Religioſiſſimâ Virgine cui nomen Hildegundis hæc ſuo tempore referat Caſarius lib. 1. Mirac. cap. 40. Adoleſcentem ſe ſimulans Hildegundis nomen Sancti Joſephi ſibi impoſuerat, ut eum quem validas viciffentationes noverat contra duplicem hoſtem pugnatura, carnem ſcilicet & Diabolum ſuæ memoriæ artius imprimeret & per auxilium plenius ſentiret.

Denique eo uſque progrèditur hæc XXXIII Divi Joſephi erga ſuos devotos, protectio, ut ſtatim atque ab eis electus eſt in Patronum & Tutelarem, ejuſque Clientelæ ſe commiſerunt, incunctanter eos etiam antequam rogatus præveniendò adjuvet, ac ſi illi factis ſcit ſcire quod ſint ex ſuis Clientibus & Devotis, ut feratur affectu proſiſſimo ad eis benefaciendum, & avertenda ab eis mala & pericula quibus inquietari poſſent.

Immo ſi contra hos morbos ſpiri- XXXIX tualesque defectus omnes, aquam expertis divinarum curationum, recurrendumque tibi videatur ad Piſcinam probaticam ſpiritualem, Beatiffimam dico Virginem Dei Matrem, quæ ad Angeli ad eam cum Divinâ ſalutatione deſcenſum turbata, omnium in ſe ſupernarum curationum virtutem ſuſcepit: Cogita quod cum nobis nimia infirmitate preſſis, alieno ut ad eam perveniamus adjuutorio opus ſit; juxta illam proximè ei D. Joſephum: aſſiſtere & quiſillo ei proximior? ſed quis eo in nos propenſior?

CAPUT VI.

*Patrocinium Divi Joſephi in
conversione infidelium &
perfectione omnium.*

POSTQUAM vidimus per effectus virtutem Patrocinii Divi Joſephi ut liberemur à malo, ſequitur ut videamus quomodò juvet in bono: Ratio enim vitæ Chriſtianiæ, quam proſitemur, non in eo tantum ſita eſt ut mala non agamus, ſed inſuper exigit ut etiam bona faciamus, dicente Scripturâ pſal. 33. verſ. 14. *Diverte à malo, & fac bonum.* Neque enim ſexvis tantum iniquis, ſed etiam inutilibus merces negatur: Cum etiam magnū malum ſit nihil boni facere, vel talè tum ad negotiandum conſeſſum in terram fodiſſe: & judex vivorum & mortuorum non iis tantum qui occiderunt vel furtum fecerunt vel mercedati ſunt dicturus ſit, *ite maledicti in ignem æternū, qui parati ſunt diabolo & Angelis ejus,* ſed illis etiam qui

D d d d 2